

## He tino auaha te mahi ako, he wāhanga nui hoki te aromatawai o te ako.

<p><b>Ange Withers</b> (Te Kura o Matapihi)</p>	<p>I te wā e noho tahi mātou ko aku tamariki ki te whakawhiti kōrero, ka whiua atu e au he pātai, he pātai ki a rātou, mā tēnā ka mōhio. Mmmm . . . ka mārama koutou? Ka whiua atu, he pātai anō, ā, ka mārama. Mā te kōrero me te rongu ka mōhio. Ā te wā e hiahia ana au ki te rongu atu i aua kōrero, ā, kei reira kē ngā kōrero o ngā tamariki. Tērā pea i rongu au i ngā āwangawanga, ngā uaua, ā, ka whakawhiti kōrero anō mātou. Mā tēnā ka mōhio au.</p>
<p><b>Sharlene Teirney</b> (Te Kura Kaupapa Māori o Te Whānau Tahi)</p>	<p>Me pēhea au e mōhio? Nā te mea kei konei au ia rā hei tiaki i a rātou ka mōhio au, ā, ka kite au i te rerekētanga, ā rātou puāwaitanga i ngā wā katoa, ka mōhio au kei konei tēnei tamaiti, ka pai ko tōna huarahi ka piki ki tēnei wāhi. Ko tērā te take ka mōhio au he rerekē aku tamariki katoa pērā ki te tamaiti i tuhi pikitia anake, ka mōhio au, ā, ka mōhio i tēnei kupu.</p> <p>Ka tuhi au te tīmatanga, tērā pea ka tuhi ia i tērā kupu i mōhio ia kei waenganui. Ka mōhio ākuanei ka tuhi tērā tamaiti i tōna ake kōrero. Pērā ki ētahi o ngā tamariki ka haere au ki ā rātou taha, kotahi te wā, pea. He kaha rawa rātou ki te tuhi. Ka mōhio au he kaha rawa ki te pānui, ki te tuhi, ki te hanga anō ā rātou ake kupu ahakoa he reo Māori, he reo Pākehā nā te mea ka mōhio rātou ki ngā kūoro me ngā pū.</p> <p>Ia rā, ka mahi ngā tamariki te kupu waiwai. I te wā ka timata rātou i te kura, i ā rātou rā tuatahi ka hoatu au i tētahi kupu, ko te kupu tuatahi ko 'au', nē? Ka ako rātou ki te tuhi tērā kupu, te āhua o tērā kupu, te māramatanga o tērā kupu. Ā te wā ka mōhio ki tērā kupu ka tuhi anō au i ētahi atu.</p> <p>(Kei te kōrerorero te kaiako me ngā tamariki)</p> <p>He tika ā rātou mahi ka hoatu he kupu anō. I te wā ka noho rātou ki ā rātou tēpu ētahi ka tuhi i tērā kupu, ērā kupu. Ka hanga mai ētahi paraka, ētahi kōhatu, ā, he rerekē kei ia rōpū, ka haere ngā tamariki ki ia tēpu hei mahi i ērā kupu. Ā te wā ka piki rātou ki te kupu mutunga o te taumata tuatoru ka tīmata rātou ki te tuhi rerenga kōrero e pā ana ki ngā kupu waiwai.</p> <p>Ētahi tino tere rātou ki te ako i ngā kupu maha me te āhua o tērā kupu, te tuinga, te tohu, ērā momo mea. Ētahi kotahi kupu ia wiki. He rerekē ia tamaiti.</p> <p>Engari kotahi te kupu i ia rā, kupu hou. Kāore au i mahi i ngā mea maha i tētahi wāhanga. Ā te wā ka mōhio, ka hoatu i tētahi kupu hou.</p> <p>Tino kaha ētahi o ngā tamariki ki te tuhi. Tērā pea kotahi te wā anake e haere au ki ā rātou taha. Ētahi, ka ako tonu rātou ki te tuhi, ā, ka noho au ki ā rātou taha mō te wā roa pea. He rerekē ia tamaiti, ka mōhio au tētahi kāore i whakawehe i ōna kupu ka noho au ki tōna taha ka tautoko, ka tohungia a ia, kia mahi pēnei ki</p>

**He tino auaha te mahi ako, he wāhanga nui hoki te aromatawai o te ako.**

	ngā kupu. Ka haere ki tētahi atu ka kōrero e pā ana ki ngā kūoro i rongo i te wā ka tuhi.
--	---